



উপজেলা পরিক্রমা বাহুবল

বাহুবল (হবিগঞ্জ), ১৬ এপ্রিল (সংবাদদাতা)।— উপজেলার উত্তরে নবীগঞ্জ উপজেলা, দক্ষিণে চুনারাঘাট, পূর্বে শ্রীমঙ্গল ও পশ্চিমে হবিগঞ্জ উপজেলা। এ উপজেলার আয়তন ৮৭ বর্গ মাইল। ৭টি ইউনিয়নে লোকসংখ্যা মোট ১,১৬,৬০৪ জন। পুরুষ ৫৮,৭২৩ জন, মহিলা ৫৭,৮৮১ জন।

যোগাযোগ

জেলা বোর্ডের রাস্তা ১১ মাইল, রেলপথ ৮ এবং জলপথ ১২, পাকা রাস্তা ১৬ মাইল। ঢাকা-সিলেট মহাসড়ক থেকে উপজেলা সদরে একটি মাত্র রাস্তা যা পাকা রয়েছে। কিন্তু রাস্তার প্রশস্তত কম বলে একত্রে ২টি যানবাহন চলাফেরা খুবই অসুবিধা।

শিক্ষা

উপজেলার শিক্ষিতের হার ১৭%। ফাজিল মাদ্রাসা ১টি, উচ্চ মাধ্যমিক বিদ্যালয় ৫টি, মহিলা বিদ্যালয় ২টি, দাখিল মাদ্রাসা ১টি, সরকারী প্রাথমিক বিদ্যালয়-৭৩টি, বেসরকারী প্রাথমিক

বিদ্যালয় ১১টি এবং কোমী মাদ্রাসা ৮টি ও পরীক্ষা কেন্দ্র ১টি।

কৃষি

অধিকাংশ অধিবাসী কৃষিজীবী। বন ৬,৬৭৫ একর, আবাদী জমি ৩৯,৩৪৬ একর, দু'ফসলি ১৬,৬৮১ একর, আমন ২৭,৩৪৫ একর। এখানে বোরো, আউশ আমন, ইরি চার প্রকারের ধানই জন্মে।

স্বাস্থ্য

সরকারী হাসপাতাল ১টি, পরিবার পরিকল্পনা ক্লিনিক ৩টি, পশু হাসপাতাল ১টি, সরকারী হাসপাতালে বেড সংখ্যা সীমিত হওয়ায় রোগীদের দুর্ভোগ পোহাতে হয়। পরিবার পরিকল্পনা অফিস ১টি।

বাজার

উপজেলার লোক বেশ কিছু ব্যবসাজীবী। এলাকার প্রধান প্রধান বাজার হচ্ছে বাহুবল বাজার, মিরপুর বাজার, ডুবাঐ বাজার, পুটিজরী বাজার। ছোট বড় ১৫টি বাজার ও ৮টি হাট আছে।